

欽定剿平三省邪匪方略

欽定剿平三省邪匪方略正編卷二百四

庚申年

九月十六日

乙未

額勒登保奏言

臣

前因張辛顏

魏各逆及楊逆餘黨剩有一千餘人當帶楊遇

春格布舍帶領馬步官兵緊躡追剿

臣

因甘肅

伍逆餘黨尙未掃除又因觀祥所剿之敗殘餘

孽數百人尙在棧西是以未經卽往西鄉於漢

南之新集一帶暫駐以爲策應近據楊遇春稟

報該提督等從法慈院回軍壩一帶追剿張辛  
各逆該匪等總在深山老林中藏匿節次所殺  
不過零星落後之賊四十餘人於初三日追至  
馬桑壩適箭桿山突有一股賊匪衝出勢甚兇  
猛經楊遇春等鎗箭並發疊斃二十餘人該匪  
又翻入老林楊遇春督兵由小巴山五間房紅  
巖子跟剿初六日已刻行抵羅家壩探得該匪

等竄至螞蝗溝隨派叅將應元寬遊擊張超都  
司吳廷剛守備璩嘉驥帶領兵勇翻羅家壩對  
面山梁由中路向螞蝗溝進擊格布舍豐紳及  
巴圖魯侍衛等帶領馬步隊由左路順山而下  
楊遇春與馬玉魁帶兵從右山梁抄出兵勇趕  
抵螞蝗溝該匪等正在溝內掠食兵勇奮力掩  
擊左右兩路馬步兵均亦趕到併力衝殺斃賊

三百餘名生擒八十餘名賊匪潰竄我兵乘勝  
趕過數重山坡計程四十餘里沿途斃賊百餘  
人生擒七十餘名該匪被剿情急均向小溪翻  
老林逃遁計此次殺賊四百餘名生擒男婦一  
百六十餘名口訊據獲賊供稱此股係高二戴  
四掌櫃竄到西鄉界內向總在老林遊奕約有  
三四千人近由黃黑壩竄來不料遇見官兵張

辛顏魏等逆所剩不過數百人已與高戴二逆  
竄合等語訊明後分別辦理此次打仗兵勇均  
極奮勇前此從賊營投出之苟璜等數十人亦  
均能隨同兵勇爭先殺賊內郭從星徐文魁並  
被矛傷陣亡應請照鄉勇陣亡例賞卹其餘兵  
勇亦傷亡數名甘省之伍逆餘黨據阿哈保穆  
克登布稟報已將賊匪追至青木川在階州畧

陽交界之所因賊匪遁入老林未經得手日來  
尙未報到聞定住廣厚帶兵堵剿亦與穆克登  
布相距不遠又有長麟在彼督辦當可尅日殲  
除又觀祥所剿之餘賊三百餘名據報向黃牛  
舖一帶奔向棧東業經觀祥及附近防堵之德  
忠等攔回兩當地界臣所派之副將游棟雲同  
從九品錐昂帶領兵勇二千餘名由舊藏五嶺

子而進臬司王文湧等亦帶領遊擊綽克圖在  
黃牛舖截堵此種餘孽總因隨處翻山躲避官  
兵故尙苟延殘喘然以此數路官兵併力兜圍  
剿捕不日自可殲盡且不能闌入棧東南山更  
可無慮又疊據恒瑞札稱馬五等匪在西鄉之  
東十字路乾溝河一帶屯聚前月二十一日分  
撥兵勇從白沔峽一路由北面兜截恒瑞同綸



布春帶領馬步兵勇由楊溪河進擊該匪聞風  
已從十字路先竄我軍趕至倒座廟追及賊匪  
跟追三十餘里沿途計殺賊一百餘名生擒三  
十七名內有賊曰陳世富訊明後凌遲處死餘  
亦正法又於初一日探得馬五等逆有仍竄堰  
口之信恒瑞因適患痢症不能躬親行陣帶兵  
三百名在五觀子攔截遂派綸布春帶侍衛保

邦協領佛爾卿額等帶領馬步兵勇由順水峽  
向白溪而進副將李天林協領祿成等帶領馬  
步兵由土地嶺而進兩路官兵行有三十餘里  
均遇賊匪該匪等竟敢分撲官兵綸布春與李  
天林等盡力截殺共斃一百數十名賊匪捨命  
衝突遊擊札隆額身中鎗傷協領佛爾卿額身  
受矛傷同時陣亡侍衛保邦佐領孝順太關喜

等首先帶領馬兵從溝內追殺射死騎馬賊匪  
數人不意樹林中設伏之賊突出保邦孝順太  
與千總張發祥等俱力戰陣亡佐領關喜防禦  
郭仁布驍騎校巴格俱受矛石傷不重兵勇內  
間有傷亡綸布春帶領遊擊李朝顯等趕入溝  
內奮擊斃賊三十餘人賊遂翻山亂竄官兵亦  
在溝內山坡割營該匪等夜間時來偷撲俱經

官兵擊退次日各處搜查擒獲賊匪三十餘名  
內有頭目張耀訊明均卽正法是西鄉一帶賊

勢較重

臣

前恐恒瑞處兵力尙單先派總兵九

十侍衛吹扎布定色鶴帶馬步弁兵一千一百

餘名前往計早抵恒瑞一路刻下楊遇春等又

於螞蝗溝等處剿賊獲勝軍威大振更可聲勢

聯絡究恐伊等剿辦不能深合事機

臣

卽帶同

扎兒塔爾慶成自新集起營取道南鄭之茶房  
子大坪壩等處已入西鄉縣境又查江之北岸  
石泉以東派有劉之仁帶兵防堵石泉以西至  
城洋一帶派有關騰在彼防堵並據石泉令李  
樞煥稟報賊匪竄至梅湖距江岸不遠有劉之  
仁等在北岸防堵自下江水尙漲一經秋深水  
落卽不足恃臣已添撥兵力前往協防又據慶

溥並平利縣知縣任奎光報稱楚匪由洵陽之  
大小仁河滋擾慶溥帶同副將李逢春叅將槐  
他哈等於二十六日起抵烏龍池溝口遇見賊  
匪卽驅兵進剿殺賊二十餘名執旗賊曰一名  
該匪敗退因霧雨交加未能追擊該匪竄至長  
岡嶺經明亮於二十八日由白土關追至該處  
殺賊百餘名生擒及淹斃者亦多該匪向牛王

溝茅壩狂奔明亮於二十九日自長沙鋪仍帶  
兵回營剿辦另股竄匪旋探此股賊匪由苦竹  
關可竄安康境界慶溥於初一日帶兵由百家  
灣獅子壩跟蹤截剿又據藩司溫承惠稟川匪  
龍紹周股匪於二十三日雨中竄進陝界繞溪  
河入鐵佛寺溫承惠卽督飭各勇由權河趕至  
高橋因雨勢過大卽於高橋暫割相距賊匪十

五六里該匪夜間竟敢前來衝撲營卡幸有準  
備預架鎗礮轟打先後斃賊一百餘人二十八  
日天色微霽由土木垭進剿在腰店與賊接仗  
斃賊五十餘名二十九日並派令守備王英陳  
袁等兩路共帶兵勇四千餘名由五竹園班鳩  
關抄截斃賊二百餘人生擒八十餘名鄉勇內  
亦有受傷陣亡者連次所獲男婦一百六十餘



名口嚴加訊問將戰手八十二名正法其餘均  
卽釋放該匪又向官園東竄初一日又有搜獲  
之賊三十餘名一併正法查慶溥所剿楚匪恐  
與龍紹周股匪於安康界內合夥但有兩路兵  
勇併力合剿自可不致深入平衍之地至紫陽  
一帶額勒亨額帶馬步官兵二千有零防堵刻  
下安康西鄉又有竄匪左右均須兼顧臣已派

總兵喜明帶兵千餘名趕往協同分佈防剿

臣

暫在西鄉邊界與恒瑞楊遇春等兩路官兵遙  
爲聲援何路緊要卽趕赴何路策應並一面飛  
催穆克登布觀祥游棟雲迅速將甘省餘孽剿  
洗淨盡騰出棧道防兵以之添設漢南一帶川  
陝交界之緊要隘口派令鎮將兵勇嚴密堵剿  
臣卽可深入西鄉竭力剿辦各股賊衆俾免折

竄漢南若能將賊匪卽于西鄉境內殲洗完竣  
固爲甚幸倘該匪情急或有他竄或入川境

臣

酌量緩急一面派員帶兵追剿一面將陝界防  
守事宜佈置妥協相機而進再此時官兵多在  
南鄭西鄉剿賊應需糧餉已咨明台布妥爲籌  
辦無悞師行奏入

上命軍機大臣傳諭額勒登保曰此次額勒登保飭

令楊遇春等追剿張辛顏魏及高二戴四掌櫃各  
匪多有斬獲各路官兵亦俱奮勇出力而額勒登  
保帶同扎克塔爾慶成現入西鄉縣境駐劄可以  
兼顧川楚竄匪甚爲扼要其漢江北岸一帶又分  
派劉之仁關騰等認真防堵所辦俱屬妥協現在  
高二戴三逆僅有三四千人張辛顏魏等逆所剩不  
過數百人而陝西官兵不啻數倍於賊且逆匪等

竄合一處正可乘兵威勝勢聚而殲洗事機極爲  
順利惟馬五等一股賊匪前此屢經戕害提鎮大  
員乃逆匪中之最狡黠克悍者現經綸布春等盡  
力截殺所斃之賊不過一百數十名而陣亡官員  
竟有六人實爲可恨額勒登保務當奮力截擊如  
將馬五生擒卽當戮割祭奠前此被伊股匪戕害  
之提將鎮弁等以慰忠魂卽臨陣殲斃亦必驗明

屍身寸磔祭奠不可再任他逸至所稱楚匪由洵陽之大小仁河滋擾慶溥帶同副將李逢春等追擊等語此股賊匪卽係首逆徐添德該逆係著名首犯並著額勒登保飭令慶溥認真截剿若能將徐添德殲擒卽係慶溥一人之功額勒登保應卽加緊馳報捷音倘未能悉數掃除亦當令慶溥由東逼向陝省西面該處有額勒登保等大兵在彼

正可迎頭截擊一鼓殲除其龍紹周一股經溫承  
惠督飭兵勇奮力抄截斃賊二百餘人所辦亦好  
若慶溥所剿楚匪徐添德與龍紹周合夥兩路兵  
勇正可併力合剿並著額勒登保轉飭該藩司實  
力剿辦勿令蔓延所有打仗陣亡之遊擊扎隆額  
協領佛爾卿額侍衛保邦佐領孝順大關喜千總  
張發祥俱著咨部賜卹至前此從賊營中投出之

數十人內郭從星徐文魁爭先殺賊陣亡亦著照  
鄉勇陣亡例賞卹

同日台布奏言稿臣接辦糧餉當將各路兵勇

應需銀數約計每月五十萬兩及經畧叅贊兩  
大營來陝後又有不敷各緣由先後具奏茲自  
二月二十六日起至八月二十六日止已閱七  
月統計節次收過帑銀二百四十萬兩以每月



五十萬計算短絀銀一百一十萬兩係向藩庫  
借墊業已告罄現在年例應放兵餉早已逾期  
各路鹽菜經畧大營僅放至九月半其餘各路  
八月分應行找補者尙多而糧運腳價亦須接  
時核給若不計日發價糧石亦難起運省局銀  
兩旣已告罄漢中更無可通挪不得已再懇

天恩賞撥銀一百五十萬兩迅解來陝以便支發再

由晉省所撥銀五十萬兩尚未准伯麟知會其  
浙江餉銀准延豐來咨亦止三十萬兩現尚未  
經到陝奏入

上命軍機大臣傳諭台布曰前因陝省軍需緊要不  
待台布奏請又由晉省酌撥銀五十萬兩以資接  
濟今據奏晉省餉銀尚未接伯麟知會而陝省年  
例應放兵餉及各路鹽菜在在需用現已諭令伯

麟將前次撥給五十萬兩速行解往合之延豐處  
所撥三十萬已足八十萬此外另爲籌撥七十萬  
以符台布所請一百五十萬之數該撫務須妥爲  
應付勿致缺乏

上又命軍機大臣傳諭伯麟曰前曾諭令伯麟於晉  
省撥銀五十萬兩解陝備用嗣據該撫奏於藩庫  
存貯款內湊足星速解往何以本日台布奏到之

摺尚稱未經接准伯麟知會著伯麟查明此項餉銀會否解往卽行覆奏現在陝省軍需浩繁尙需接濟著再撥銀七十萬兩遴委妥員解至陝西軍營備用尙無項可撥卽速覆奏以便另爲籌撥

二十日巳倭什布奏言查藍黃白三號賊匪經

官兵分路進剿俱竄往東南至遠安屬之張爺

廟會合直趨當陽之消溪河等處臣查該處東

通荆門東南可由當陽而至荊州東北可由鍾  
祥宜城而達襄陽設令該匪等竄出山徑擾及  
荆襄重地未免益形滋蔓必須逼歸山內庶可  
扼要截剿臣自初三日率兵前進抄出賊匪東  
面兜截該匪遂自東南折回東北官兵且追且  
剿初七日已刻追至天保寨正值該匪圍撲居  
民山寨並將寨外牛隻肆行搶掠官兵競進擊

剿斃賊三十餘名擒獲活賊九名該匪翻山疾竄民寨得保無虞所掠牛隻食物遺棄滿山

臣

一面派員收集傳領一面督兵進追三十餘里

申刻至觀音寺地方趕及賊蹤該匪竟敢佔據

山梁放鎗抗拒

臣

相度山勢左面係臨溪陡坎

仰攻難以得手惟右首路稍寬坦遂親率副將滿倉等帶領兵勇迎面進剿作直前攻撲之勢

派總管托爾托保侍衛花尙保協領武成額副  
將朱士奉叅將烏爾卿額等帶領馬步兵丁從  
山溝內抄向賊匪右首擊其旁面該匪等分投  
下壓我兵先放連環轟擊繼以馬隊直前馳射  
賊匪抵敵不住退往山後兩路官兵乘勢一擁  
而上併力壓剿斃賊五十餘名生擒執旗馬賊  
一名矛手步賊二十一名賊衆越坎穿林由馬

家寨一路亂竄是日官兵追擊賊匪計程八十餘里連接二仗因恐馬力不繼且天色已晚未便窮追提訊獲賊僉供此股賊匪有藍黃白三號藍號首逆係冉添士王士虎黃號係樊人傑徐萬富白號係張三掌櫃不知名字冉添士等初意欲由當陽分竄荊州屬之沙市及荊門屬之仙居各鎮搶擄衣食因被官兵兜截折回西



北山內並與徐萬富等商量或說要回四川或說要在山險處埋伏抗拒官兵等語內有執旗馬賊名張啟武久經習教樊人傑起事時卽授爲僞先鋒前日在遠安與川省兵勇接仗鎮臣李紹祖卽係該犯用矛股害訊明後當卽臠割梟示其兩次擒獲活賊三十名內蕭金亨等十二名俱被擄未久卽行釋放餘皆正法連日以

來該匪因被追情急分爲前後兩隊西竄或於  
深林密箐之中或於山路分歧處所留伏多人  
以爲牽制官兵之計經臣分派兵勇沿途搜剿  
日有二三十名不等現在竄及南漳西南邊界  
之重陽坪一帶有仍由房保入川之勢臣率兵  
已至通城河相距賊蹤不遠當探明前途道路  
隨時相機籌辦初七日與賊接仗索倫兵丁內

委防禦音得布身被矛傷陣亡其餘兵勇亦有  
傷亡另容查明咨部辦理奏入

上命軍機大臣傳諭倭什布曰朕盼望楚省軍營奏  
報甚爲殷切本日倭什布報到朕以爲必係與明  
亮會合將川省竄楚賊匪痛加殲戮及加披閱仍  
係倭什布一人督兵剿辦而明亮並未趕到不知  
逗遛何處遷延觀望此次藍黃白三號賊匪合爲

一夥欲由當陽分竄荊州荊門各鎮市搶掠經倭  
什布督率托爾托保等直前抄擊不使賊匪竄往  
荆襄所辦尙爲出力倭什布一路兵力稍單尙能  
以少擊多將賊匪逼回西北山內此時明亮長齡  
自必趕到與倭什布會合添此生力勁旅軍威壯  
盛務須奮力截剿卽在南漳一帶將冉添士王士  
虎樊人傑徐萬富張三掌櫃各首逆悉數殲擒肅

清楚境不可再令四散奔竄並著倭什布迅速咨  
催明亮長齡會合剿辦所有打仗陣亡之委防禦  
音得布著咨部賜卹至明亮本月初一日所發摺  
內稱咨呈額勒登保就近移會慶溥搜剿餘逆伊  
以竄楚川匪緊要卽由二竹星夜趕至倭什布一  
路迎剿竹山竹谿距南漳一帶卽有千餘里明亮  
亦早應趕到乃本日倭什布之摺係十一日拜發

距明亮折回之期已閱十日不但並未趕到而倭  
什布亦未提及明亮現在何處可見相離尙遠當  
此剿賊緊要之時明亮豈不應兼程趕往尙爾緩  
程行走耶明亮一路自必有湖北隨營員弁倭什  
布係本省巡撫向其密爲查訪無難得實若明亮  
蒼滑性成果有避賊逗遛情事卽行據實嚴叅或  
因年老有病不能振作以致落後遲延或中途又

遇另股竄匪在彼剿辦亦著密爲奏聞勿稍徇隱

二十三日

壬寅

上命軍機大臣傳諭額勒登保曰台布自任陝西巡撫後旣不能督率堵剿而辦理糧餉及地方事件又每形竭蹙是以前經降旨革去翎頂因思伊於蒙古一切事宜尙能諳曉已降旨賞給頭等侍衛授爲西寧辦事大臣所有陝西巡撫已著陸有仁

補授令其馳驛前往台布現駐劄漢中一帶該處  
係賊匪往來扼要處所不可無大員帶兵防堵處  
成近日帶兵尙爲出力卽著在漢中專辦堵剿事  
宜並暫護巡撫印務至陸有仁係屬漢員未曾經  
歷戎行伊到任後所有各路糧餉及團練鄉勇並  
地方事件自應尋交陸有仁辦理其一切堵剿用  
兵機宜仍著慶成專辦不得互相推諉稍有貽悞



同日

上諭內閣曰現在陝省軍務將次告竣一切善後事宜均應寬爲籌備著於部庫內撥銀十萬兩廣儲司庫撥銀十萬兩解往應用至浙省墊解商捐銀二十萬兩前據延豐奏報分起委員解部計此時尙應在途著沿途督撫查明該委員行至何處卽飭令改道迅速解赴陝省以備要需

克登布等察知虛實分兵左右衝擊一擁齊上立斃賊匪數十名生擒十餘名內有僞元帥朱有貴一名腿中箭傷被獲餘賊卽紛紛逃上山垵官兵緊跟搶過山垵自上壓下賊匪情急分爲三股亂竄官兵亦分三路追殺兵勇奮力直前追殺三四十里穆克登布追過解板溝桑吉

斯塔爾追過新店子臣與阿哈保追過花園子

沿途各有斬獲三路竄去餘賊每股均不過六七百人至晚先後竄至白蠟峽合夥時天色已黑官兵卽於木家磨暫紮計此次殺賊共三百餘人內有僞先鋒譚開勇一名被鎗擊斃生擒七十三名內有執旗頭目魏珍一名已受重傷奪獲大小旗鳥鎗刀矛二百五十餘件馬騾二十餘匹訊據朱有貴供稱自伍金柱死後係伊

姪伍懷志爲總帥會芝秀爲左元帥朱有貴爲  
右元帥大家商議本欲搶船過河到龍安去不  
想被官兵截殺因想南山必已無兵要由秦嶺  
赴五郎鎮安一帶老林躲避又怕遇見官兵截  
殺是以日夜緊走等語當卽凌遲梟首餘賊均  
係矛手概行正法初十日探知賊匪已由白蠟  
峽起竄臣與穆克登布等卽帶兵躡蹤緊追趕

至紙廟溝腦正遇賊匪狂奔官兵鎗箭並施斃  
賊數人生擒張耀先等三十九名賊匪卽紛紛  
搶上東面山梁逃遁時天已向暮雨霧迷濛只  
得暫行紮住差弁躡探賊蹤十一日黎明據投  
出被裹難民供稱賊匪被剿後又分爲兩股前  
股係曾芝秀帶矛手四百餘人其餘俱係徒手  
及婦女老幼四五百人於初十日夜間向東河

口奔逃後股係伍懷志自帶精壯矛手一千餘  
名亦由高橋一帶向東南奔竄等語

臣

等料知

賊匪奸計必係分股牽綴官兵以便乘隙遠颺

第

臣

與穆克登布追剿賊匪連接兩仗後

臣

等

已在賊匪後路不能抄至賊前攔截當卽飛札

臬司王文湧總兵德忠都司緯克圖等遵照額

勒登保指派沃地加意嚴防勿任該匪竄出棧

道

臣

一面與穆克登布等晝夜跟追前進途次

探聞後股賊匪向唐藏一路奔竄欲由該處直

奔棧道

臣

與穆克登布等卽分路抄至唐藏方

石舖等處先行扼住去路該匪於十五日初更

時正由利橋一帶奔來

臣

當卽帶兵迎往該匪

探知信息卽於相距唐藏二十餘里之吳家溝

翻山逃遁官兵緊追沿途搜獲潛匿賊匪劉幫

池等十一名均係矛手卽行正法餘匪未能出  
棧連夜潛遁是夜五鼓卽竄至相距唐藏一百  
餘里之楊家店因有穆克登布等正在方石鋪  
堵截該匪不敢出棧又由楊家店順河南趨查  
該匪竄往之路可由虞關直出畧湯亦可由黑  
河徑竄沔縣現在穆克登布等追躡賊蹤前往  
臣卽由棧道向南攔截亦不致令該匪闖入南



山惟前股曾之秀於十二日初更時卽已竄至  
棧西之百靈寺山梁自初十夜至十二日傍晚  
該匪已奔竄五百餘里時總兵德忠正在該處  
防守帶兵躡上百靈寺山梁賊匪復奔入老林  
藏匿德忠卽令弁兵用鎗礮向林內轟擊該匪  
又潛行下山向油房溝奔突更餘時竄出溝外  
大路德忠卽趕緊下山撲殺斃賊四十餘人生

擒十一名賊匪仍折入溝內潛竄德忠正偵探  
防範問該匪復於三鼓後翻越白家店山梁竄  
出棧道查白家店均係陡山並無山溝及盤折  
路徑該匪漫山而下紛紛散竄適有額勒登保  
派來協剿之總兵汪啓已至鳳縣聞有賊信卽  
連夜趕赴德忠一路協同堵截行至白家店正  
遇賊匪越過大路絡繹東奔汪啓卽催兵乘勢

衝截斃賊七十餘人生擒七名賊匪俱翻上東  
面大山鑽入林內汪啟見賊匪竄匿無蹤月暗  
林深難以搜捕暫行紮住十三日五鼓德忠趕  
赴江口一帶攔截汪啟卽帶兵由葦子坪一帶  
追躡前往嗣該匪由蒿壩河一路奔向留壩江  
口適德忠已帶兵先經趕到江口扼要堵截該  
匪知江口有兵卽由並無路徑之夾沙溝一帶

老林內繞向南山以內之二郎壩等處奔竄

臣

刻卽飛札德忠汪啓趕緊追剿前往並恐山內

路徑叢雜德忠汪啟兩路兵力不敷剿辦

臣

復

飛咨提督定住趕緊帶兵入山由北面抄截

臣

俟將後股賊匪伍懷志逼過褒沔以南亦卽就

近由城固洋縣入山會同剿辦務期竭力剿洗

淨盡以免牽綴至此次賊匪竄過棧道係由總

兵德忠沃地逸出現在該鎮追賊入山正當喫

緊之際未便遽行撤回臣已嚴飭該鎮令其戴

罪圖功倘再任賊匪輾轉奔竄臣卽會同額勒

登保將該鎮嚴紮治罪奏入

上命軍機大臣傳諭額勒登保長麟曰觀祥由棧道

截回一股賊匪節經趕殺多有斬獲現已逼向畧

汚境內無虞其再行折竄至伍金柱餘匪經長麟

督同穆克登布等緊蹙追趕殲擒偽先鋒諱開勇  
等伍懷志分股向唐藏一路奔竄復經穆克登布  
等追蹤前往長麟亦卽山棧道向南攔截不令闖  
入南山所辦俱好惟會芝秀一股竄至棧西翻越  
白家店山梁竄入南山老林深爲可恨必應迅速  
剿盡此時甘省已無餘匪而賊蹤俱向畧沔一帶  
竄逸所有伍懷志一股長麟白必乘勢逼向褒沔

以南其曾芝秀一股卽專交長麟督辦該督旣飛  
札德忠汪啓趕緊追剿並咨會定住帶兵入山由  
北面抄截務須將此股搜捕淨盡勿令再有裹脅  
或由南山竄及鎮安一帶復至蔓延現在江水漸  
次消落長麟並當督飭所屬於江口扼要嚴防勿  
令各股賊匪折竄漢江北岸俟會芝秀一股辦淨  
再分兵赴沔畧一路協剿長麟卽在漢中一帶防

堵以遏賊匪分竄之路至賊匪竄過棧道係由總  
兵德忠泐地逸出德忠向日帶兵尚能與賊打仗  
卽此次賊匪竄至百靈寺山梁亦尙與汪啓協同  
剿殺此時正當剿賊喫緊之際自未便遽行撤回  
著長麟會同額勒登保查明該鎮若能將此股賊  
匪迅速剿盡逼令折回尙可將功抵罪尙再任賊  
匪輾轉奔竄則該鎮旣疎防於前又不能奮剿於



後卽當據實嚴叅治罪

同日明亮奏言竊

臣

因追剿緊急無暇搜查山

林內衝散餘匪會飭地方各卡巡拏均經報有

拏獲就近訊明分別辦理

臣

回抵白土關復分

飭兵勇於山溝林內搜獲藏匿落後餘匪潘恒

祿等四十六名發交糧員蕭與潔訊辦仍卽取

道關垵回楚由二竹房縣行走沿途經過村莊

市鎮見民人紛紛歸家復業途次接據平利縣  
任奎光稟報青號殘匪由熊家壩竄入安康屬  
之蘭河磚坪一帶離楚已遠

臣

復節次飛飭卽

房二竹邊卡仍當認真嚴堵一面將趕到落後

各營官兵查其情有可原者仍令歸伍其無故

落後者分別枷責示懲

臣

行抵房縣據川省鎮

臣李紹祖德英額稟報帶兵追剿竄匪已入楚

省巴東境內復據德英額稟報接奉勒保劄知  
賊匪等業從黃草坪竄入房境賊蹤已向東趨  
毋庸同李鎮前往該鎮卽分兵回川又據李紹  
祖報稱賊匪深入楚境卽由香溪渡河抄前截  
擊今臣馳抵保康據南漳縣楊于果稟報川匪  
竄至當陽屬之涪溪河又據該縣稟稱自賊營  
逃出難民供稱賊衆男婦約有六七千人騎馬

者頗多賊目係樊姓王四貓王谷賢冉添元等  
四股合夥等語十四日途次接准姜晟來信川  
匪現在竄至當陽清溪河觀音寺一帶倭什布  
統兵追躡長齡現在率領滿漢官兵由南漳進  
剿囑臣從瑪瑙觀一路追剿正在迎探進兵間  
適據哨探來報該匪業已竄至歇馬河離保康

一百二十里臣卽督率孫清元等星馳前進行

抵後坪前隊首領黃興龍擒獲探信賊匪魏登  
洪等三名訊據供稱川匪竄楚共有四股係黃  
白藍綠四號白號掌櫃樊人傑約有千餘人綠  
字號有數百人亦歸樊人傑股內黃號係王元  
帥不知名字藍號係冉添元尙有賊首王四貓  
子營中騎馬者有二百人矛手共有一千餘  
人男婦大小約有四五千人因在四川無可擄

原纔到湖北遠安一路聽說青號大股萬數多人被官兵剿殺所剩無多等供十六日督兵進剿據前探黃興龍飛報賊匪連夜拔營向歐家店前竄等語復拏獲落後賊匪劉起章等二名訊據供稱樊人傑等聞知保康又有大兵馬兵甚多大眾慌懼商量不如仍回四川等語臣查賊匪竄經必由歐家店往栢木受陽逃遁彼處

係四達之區東北界連均穀襄宜西北地接鄆

房二竹正南可通興巴入川大道臣若躡蹤追

擊必得到歇馬河始能尾追不但不能趕上痛

剿倘賊匪旁竄均穀二竹又致無兵攔擊聞倭

什布已緊躡前來自可無虞折竄臣必須先制

賊匪奔竄之路扼要進攻是以迅卽折回保康

偵探賊蹤迎頭直遏西北大路臣已飛咨倭什

布並劄商長齡合圍夾擊頃接姜晟來劄總兵  
李紹祖暨叅將沈慶春等均遇賊打仗被害臣  
不勝憤恨現在鼓勵將弁兼程抄截奏入

上命軍機大臣傳諭明亮曰此次摺內所敘由川入  
楚賊匪奔竄情形及李紹祖來楚截剿俱係半月  
以前之事其餘亦皆敷衍塞責之語仍未趕上賊  
匪與倭什布長齡會合剿辦明亮於本月初一日



所發摺內卽云移會慶溥截剿徐逆伊以竄楚川  
匪緊要卽由二竹星夜馳至倭什布一路迎剿乃  
遲至十七日始在保康拜發此摺遲緩已極不知  
伊在何處逗遛觀望尙稱追剿緊急耶且摺尾將  
李紹祖等打仗被害一節敘入而前半尙稱李紹  
祖由香溪渡河抄出賊前截擊鋪敘滿紙不知是  
何肺腸明亮種種欺飾蒼滑伎倆貌爲持重實則

畏怯今遷延多日無可藉口祇可將已往賊情及  
李紹祖來楚之事湊成一摺希圖蒙混著傳旨嚴  
行申飭至所稱偵探賊蹤迎頭直遏西北大路之  
語亦係道爲巧卸地步若賊向東南逃竄伊卽可  
以攔截西北爲詞諉罪他人居心欺詐豈能逃朕  
洞鑒今賊匪旣由歐家店一帶奔竄明亮與倭什  
布長齡預定夾擊之計而各股賊匪現在不過千

餘人可見前次萬餘人之語係屬欺誑該省原有  
各兵合之續調兩粵官兵及新添吉林黑龍江勁  
旅共有萬餘不啻十倍於賊卽祇用吉林黑龍江  
千餘勁旅剿此千餘賊匪亦勢同拉朽摧枯况勁  
旅悉係生力而賊匪久被官兵追剿疲乏已甚豈  
能抵禦明亮務當乘此兵威上緊剿辦若能將各  
股竄匪卽在楚省剿淨不但可贖前愆尙當加恩

獎擢卽或賊匪被剿緊急折回川境倭什布孫清  
元必當在本境防堵明亮本係專剿徐添德一股  
因該逆竄往陝省明亮以由川竄楚各股賊匪正  
在緊要折回迎剿自應責成伊一手辦理緊躡賊  
蹤入川追擊總之黃白藍線四號賊匪交明亮一  
人剿辦若不能悉數殲除顯係有心縱賊明亮更  
有何顏朕亦不復再行降旨訓飭斷不因伊係老

成宿將再爲寬貸稟之慎之

同日長齡奏言臣自襄陽起程因探知賊匪由

觀音寺竄至南漳縣屬之東南交界東鞏石硤

坪一帶當卽帶兵自北而南查該處距襄陽三

白餘里臣於十二日辰刻行至栗溪離石硤坪

八十餘里途遇差探鄉勇報稱賊匪連日有探

馬數十名沿途絡繹往返於十一日已全數往

西南逃竄所向何處尙未得有確信查賊匪竄

往西南必由南漳之馬良坪重陽坪螃蟹溪歇

馬河等處該處南通興山歸州西達房竹

臣

思

倭什布現在緊躡賊蹤自東而西明亮由二竹

自西而東

臣

自應由東北向西南前進不但可

成三路兜剿之勢亦可防其北竄

臣

卽於是日

帶兵由南漳之五盤山長坪雙柏埡兼程前進

連據探報並獲由賊匪逃出之南漳縣民人張廷弼等帶至營盤訊據供稱賊匪四股線白二號是大掌櫃樊人傑徐萬富管領黃白二號是兩箇王姓四川人爲元帥不知其名男婦老幼共有七八千人能打仗者不過千餘人馬騾五六百頭已知有索倫馬兵數千自北而來賊衆甚是畏懼晝夜狂奔欲竄回川現已竄至南漳

西界歇馬河一帶其勢甚形狼狽被裒良民乘  
間逃出甚多等語查賊匪如果由該處南竄必  
走房保出境倘明亮等能攔截擊回北向臣仍  
可迎頭截剿若竟由西南歸巴出境臣即可取  
道向西由二竹一帶赴陝會同慶溥剿辦徐高  
馬戴等逆奏入

上命軍機大臣傳諭長齡曰賊匪竄至南漳地界聞



長齡帶有吉林黑龍江馬兵自北而來卽晝夜狂奔欲竄回川若明亮由房縣保康帶兵趕上正可與長齡夾剿適據明亮奏報賊匪情形摺內稱帶兵折回保康直過西北大路並飛咨倭什布長齡併力夾剿等語是此時大兵想已會合正可分路兜圍剋期剿辦長齡應卽將所帶官兵自爲一隊會同明亮等奮力剿殺務在楚境辦竣不可令賊

匪乘間他竄又致稽延時日倘萬不得已賊匪竟由西南歸巴一帶竄入川境自當明亮前往追剿長齡卽帶領吉林黑龍江官兵及落後粵東粵西兵一千名仍赴陝省察看情形或徑赴平利截剿徐添德或往經畧軍營剿辦高馬等股屆時自行酌量可也至吉林黑龍江勁旅聲威久著爲賊人所震懾必須乘其銳氣遇賊接仗方展所長若每

日兼程行走徒勞跋涉則日久亦必形疲乏甚屬  
可惜長齡務須設法籌畫或繞徑抄赴賊前迎頭  
截擊或偃旗息鼓設法誘賊庶可痛加殲戮不得  
將此項勁兵整隊長驅徒壯聲勢總須趁賊匪窮  
蹙我軍精銳之時一鼓作氣奮迭攻剿至明亮行  
走遲延將徐添德一股移會慶薄剿辦伊自陝境  
回至二竹房縣截剿川匪又未能星速趕上半月

內伊所辦何事究在何處停頓此時長齡與明亮  
諒已會合仍須加意訪查如明亮實有蒼滑玩悞  
確據卽行據實密叅再明亮所帶廣東廣西兵丁  
因何有落後之事或係明亮追賊行走迅速該兵  
丁等未能趕上或兵丁等另有逗遛別情並著長  
齡確查具奏

二十五日

甲辰

額勒登保奏旨查張辛等股前經

楊遇春格布舍等在馬桑壩追剿之後所剩不  
過數百人與高二戴四二逆竄合從元坪子一  
帶遁入川陝邊界老林嗣楊遇春等因李子坪  
一帶又有賊匪適在我軍之後初八日與格布  
舍豐紳帶同侍衛巴圖魯將備等分帶兵勇作  
爲三路向李子坪進剿至舊司河地方該匪等  
竟敢前來迎拒官兵分投奮擊鎗斃騎馬戴翎

頂賊匪一人賊勢稍却官兵齊力追趕斃賊數十該匪又搶上山梁官兵亦卽追上從山頂下壓斃賊二百餘人賊衆又向大葉廟而遁官兵沿溝順嶺直至龍池場約計五十餘里又斃賊三百餘人前後生擒一百餘人於二更時收兵將獻到戴翎頂首級令活賊指認僉稱係偽總兵楊永祥並稱此股賊匪係高藪二營分出之

賊欲抄截官兵後路等供當將獲賊舒子隆謝  
士福等五十七名正法其餘周仁羅田氏等七  
十三名口均係附近甫經脅從之人概行釋放  
又據額勒亨額呈報探得冉學勝張世龍股匪  
在康家壩一帶滋擾額勒亨額卽率領馬步官  
兵趕往迎擊先將採馬賊四人全行拿獲二十  
八二十九兩日在螞蝗壩葉家壩土地嶺等處

追殺此股賊匪共斃賊八十餘名又生擒王學  
存等十六名並先經拿獲之賊探張老么郝二  
劉芳王學義等四名訊明俱係隨同冉張二逆  
日久一併正法又有被裹之門廷傑等十一名  
均經省釋此在臣派令喜明等未到之前額勒  
亨額帶兵所剿旋又據額勒亨額與喜明報稱  
該匪等有向官姑灘搶渡江岸之勢額勒亨額



喜明等帶領馬步官兵一千餘名由瓦房店出  
譚家垵攔截殲斃賊匪三十餘名該匪等折向  
大馬坡而遁恐賊情狡獪又從別路竄近江干  
現在暫劄防堵又據溫承惠稟報龍紹周股匪  
在桃園子一帶奔竄該司帶領守備王英等率  
同鄉勇連日趕擊斃賊一百七十八名生擒康  
世泰王士滿等七十三名訊明實係隨同龍逆

戰手並卽正法該匪等仍往繞溪河折竄適接  
平利縣稟報湖北後股賊匪又竄至房縣之九  
道梁平利情形關係緊要龍逆股匪已轉回繞  
溪河距江岸稍遠該司已知會慶溥會剿並據  
慶溥呈報該副都統在磚坪一帶遇龍紹周分  
股之賊帶兵趕剿斃賊六七十名該匪折竄四  
季河而徐添德一股賊匪於初五日夜竟敢前

來撲營官兵鎗礮齊發該匪等逃逸次日發兵  
跟追該匪等捨命狂奔未能痛剿聞該匪有向  
通草坪繞向興安之信該副都統現帶兵探蹤  
抄剿又興安府知府周光裕帶壯勇於戴花嶺  
一帶扼堵又據恒瑞札稱連日由紅椿壩王黑  
壩等處兜剿馬五等股賊匪於十四日起至大  
石川同綸布春等追殺沿途斃賊三十餘名拏

獲活賊袁有德等六名十五日趕抵觀音堂聞  
該匪有竄赴灘口之信且聞楊遇春由五塊石  
而來業已飛行知會併力剿捕各等因再頃接  
長麟來信阿哈保穆克登布桑吉斯塔爾等追  
剿伍金柱餘匪在新店子花園子地方共計殺  
賊三百餘名生擒七十三名所餘賊匪無多該  
匪等若向東奔卽達唐藏太渠長麟已帶兵趕

往唐藏一帶又觀祥所剿之零賊數百人據沔  
縣令馬允剛稟報該鎮與副將游棟雲維昂等  
帶領兵勇緊追擒殺一百餘名賊勢甚爲窮蹙  
尙有餘匪在黑河老林藏匿該鎮等正在搜捕  
臣  
通查各路具報情形賊勢大形殘敗甘省伍  
金柱餘匪及零星賊匪無多長麟等分路趕剿  
當可剋期殲除其楚中賊匪徐添德先經入陝

且現據溫承惠稟報後股賊匪亦有從九道梁  
欲竄陝省之勢現有明亮帶兵由房竹興山一  
帶兜剿此時惟西鄉紫陽安康平利賊股既多  
賊勢較爲散漫然亦有四五路官兵追截屢經  
獲勝自應乘勢迅速掃蕩臣已分檄各路領兵  
官員倍加努力上緊趕辦至臣現在西鄉紫陽  
邊界一帶原當帶兵深入但查甘省之賊究未

全完棧道一路防兵尙不能撤而現在西紫等處之賊總在川陝邊界既恐其偷越漢江關入江北又慮在川之賊折回寧羌南鄭漢南一帶祇可隨進隨駐沿途刻爲控扼之計并爲各路策應總須甘肅之賊全完騰出剿賊之兵並棧道防堵之兵臣與長麟等將川陝交界之處布置妥協臣一鼓而前庶辦結一處再辦一處易

於爲力至西紫等處之賊經各路官兵緊剿難  
保其必不入川入楚而以川楚而論川中現有  
德楞泰勒保督兵剿辦楚省尤關緊要俟臣酌  
量情形或不能親往楚北卽當遵

旨先令慶成酌帶官兵由安康平利前入楚境趕往  
明亮等一路協剿再新授固原提督賽冲阿臣

近接勒保等札稱緣該處現乏大員而吉林馬



隊必須熟手帶領將賽沖阿暫留川省是賽沖  
阿急切不能前來陝省而固原提督一缺未便  
久懸查有江南提督定住隨同長麟剿賊不日  
可來陝省若以之署理固原提督將來與長麟  
等辦理陝省防堵事宜自更得濟俟賽沖阿回  
至陝西定住再行交代又山西新平路營叅將  
德爾精額甘肅嘉峪關游擊岱什依現年均已

六十五六歲實屬衰老該二員從前帶兵打仗  
著有微勞應請以原品休致陝西洮岷協副將  
常格年逾五旬患病數月又舊有腿疾時發時  
止帶兵不能得力應請

旨勒令休致又查副都統岱森保於抵漢中後病勢  
日增醫藥罔效於九月十二日身故現派守備  
徐占魁一員護送回旗奏入

上命軍機大臣傳諭額勒登保曰此次楊遇春等在  
舊司河地方追剿高戴二逆分出之賊殲斃五百  
餘名額勒亨額與喜明迎擊冉學勝張世龍股匪  
亦先後斃賊二百餘名慶溥溫承惠追擊龍紹周  
分股賊匪恒瑞兜剿馬五等股亦均有斬獲所辦  
尙好惟徐添德一股竟敢乘夜撲營慶溥帶兵奮  
擊該匪捨命狂奔有由通草坪繞向興安之信實

爲可恨徐添德係著名首逆輾轉奔逃急須搜捕  
現在慶溥雖已探蹤抄剿究恐兵力有限額勒登  
保務須酌量情形如相距不遠或卽親自督兵迎  
頭截擊否則亦須酌派勇幹將領帶兵前往協剿  
趁該匪窮竄之時速行擒獲加緊具奏如能生擒  
卽將徐添德派員解京盡法懲治倘臨陣殲戮亦  
必須詳細驗明首級屬實再行臠割梟示斷不可

復任他竄致搜捕又稽時日昨據長麟奏甘省賊  
匪伍懷志分出之僞元帥會芝秀一股至棧西翻  
越白家店山梁逃入南山老林藏匿已交長麟督  
剿其伍金柱餘匪亦向木蘭溝一帶潛遁經穆克  
登布等跟蹤追躡此次額勒登保摺內未經奏及  
自尙未得實信所有會芝秀一股旣竄入南山老  
林卽爲額勒登保後路關係緊要不可不加意防

馳應前派將弁帶兵堵剿勿令再有蔓延再據奏  
溫承惠一路接平利縣稟報有湖北股賊匪竄  
至房縣之九道梁逼近平利此股又係何股分出  
之賊未據奏明並著查明具奏至明亮剿辦楚省  
竄匪屢次逗遛不追總未認真殺賊竟係蒼滑性  
成節經降旨飭諭或伊因老病不能帶兵有力不  
從心之處亦未可定已令長齡帶領吉林黑龍江

勁旅併力協剿慶成竟可無庸赴楚卽著遵照前  
降諭旨令其暫署撫篆仍在漢中督率堵剿可也  
至額勒登保現在駐劄西鄉可以兼顧川楚竄匪  
甚爲扼要此時該處四面俱有賊匪奔竄尤須在  
彼通盤籌畫慎重防範相機調度使各路擊剿悉  
合機宜轉不必遠離該處其所奏賽冲阿尙須留  
川帶領吉林馬隊請令定住暫署固原提督一節

卽照所請辦理其在軍營病故之副都統伯森保  
著照軍營病故例賜卹

上諭內閣曰山西新平路營叅將德爾精額甘肅嘉  
峪關遊擊岱什依二員年力衰老從前帶兵打仗  
著有微勞俱著加恩以原品休致陝西兆岷協副  
將常格舊有腿疾時發時止帶兵不能得力著卽  
勒令休致



同日伯麟奏言 臣 前奉

諭旨令於晉省藩庫撥銀七十萬兩解赴陝省備用  
當卽飛飭藩司先撥銀三十萬兩迅速委員分  
起起解茲復督同藩司陳文緯查明藩庫現存  
之項湊撥銀四十萬兩以足七十萬之數卽遵  
委委員連夜裝鞘陸續起程解赴陝省應用奏  
入

上命軍機大臣傳諭伯麟曰昨已降旨由京籌撥二十萬兩並將延豐墊解浙江商捐銀撥給二十萬兩共四十萬兩迅解陝省以濟要需今伯麟業於庫貯各欸內動撥銀四十萬兩委員解往陝省應用著伯麟遵照前旨將由庫撥解及浙省墊解商捐共銀四十萬兩於解至山西時卽截存藩庫另候備撥